

Na osnovu člana 20. stav 1. tačka 4) Statuta Fonda za zaštitu okoliša Federacije BiH ("Službene novine FBiH", broj: 33/06 i 1/15), u vezi sa Zaključkom Vlade FBiH V. broj 1722/22 od 24.11.2022. godine i tačkom 7., poglavlje „Obrada prijave“ stav 3. Odluke o usvajanju Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen budžetom Federacije BiH za 2023. godinu Federalnom ministarstvu prostornog uređenja (Službene novine FBiH br. 66/23) i Odlukom Upravnog odbora Fonda broj: UO-01-3-9-9-6/2024 od 25.07.2024. godine, a na osnovu provedenog Javnog poziva za dodjelu sredstava iz budžetske podrške EU za provođenje mjera energijske efikasnosti u stambenim objektima za 2024. godinu – JP BPEU SS 2024-1 („Službene novine Federacije BiH - Oglasni dio“ broj: 60/24 od 02.08.2024. godine, dnevni listovi „Dnevni avaz“ i „Večernji list“, kao i na službenoj stranici Fonda: www.fzofbih.org.ba), direktor Fonda za zaštitu okoliša Federacije BiH d o n o s i:

ODLUKU

I.

Prihvata se prigovor podnosioca prijave, Zoran Kustura, Armije Republike Bosne i Hercegovine 11, 72000 Zenica kao osnovan.

II.

Ova Odluka je konačna i stupa na snagu danom donošenja.

Obrazloženje

Odlukom Direktora Fonda za zaštitu okoliša Federacije BiH (u daljem tekstu Fond) o dodjeli sredstava 01-09-12-357/2024 od 03.09.2024. godine, utvrđeno je da prijava br. 4246 od 09.08.2024. godine pod brojem protokola U-07-4612/2024, podnosilac prijave Zoran Kustura, Armije Republike Bosne i Hercegovine 11, 72000 Zenica, nije zadovoljila tražene uslove konkursa.

Protiv donesene Odluke podnosilac prijave je blagovremeno izjavio prigovor, u sklopu kojeg navodi da je u postupku prijave na Javni poziv dostavio ovjerenu izjavu u kojoj izjavljuje da je u stan koji je predmet prijave uselio 10.07.2024. godine, nakon stupanja u brak, što je razlog manje potrošnje električne energije i a koja je bila jedini nedostatak predmetnoj prijavi. Podnosilac prijave je uz prigovor dostavio i vjenčani list čime potvrđuje navode da je brak sklopljen 10.07.2024. godine te prilaže i račun za 8. mjesec u kojem je vidljiva stvarna potrošnja električne energije. Navodi da je u procesu prijave kontaktirao Fond, te da mu je sugerirano da svoje navode obrazloži u komentaru prijave, što je i učinio.

Radi razmatranja prigovora, direktor Fonda je imenovao Komisiju koja je dužna da izvrši ocjenu osnovanosti blagovremeno izjavljenih prigovora u smislu ispunjenosti uslova prijave.

Na osnovu Izvještaja Komisije broj: 06-1-136/2024 od 13.09.2024. godine, uvidom u dostavljeno, Komisija za prigovore smatra da se radi o nedostatku u prijavi za koji se može učiniti izuzetak, obzirom da je podnosilac prijave u samoj prijavi pojasnio cjelokupnu situaciju i priložio dokaze kao i Izjavu kojom svoje navode potvrđuje pod krivičnom i materijalnom odgovornošću.

Pored toga, iako Javnim pozivom nije dozvoljena dodatna dokumentacija, iz računa za 8. mjesec, vidljivo je da samo u tome mjesecu potrošnja je 221 kWh, što dovodi do zaključka da se objekat koristi za stanovanje, te Komisija smatra da nema prepreka da se ne prihvate obrazloženja data u prigovoru.

Shodno navedenom, a obzirom da prijava ispunjava uvjete za dodjelu sredstava budžetske podrške, odlučeno je kao u dispozitivu Odluke.



Slađan Bevanda, direktor

Broj: 0109-12-5907/2024

Sarajevo, 08.10.2024.

Dostaviti:

- Podnosiocu Prigovora
- Sektoru za Energetsku efikasnost
- Sektoru za pravne poslove
- a/a